

# **REFERAT NNA - Nuummi Najukkami Ataatsimiititaq d. 04-06-2019**

**Mødedato** Tirsdag d. 04. juni 2019 kl. 20:30

**Mødested** Ataatsimiittarfik 1

# Indholdsfortegnelse

Saqqaa.....	3
Ullormut oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
2019-imi aningaasaliissutit atugassanngortinneqarsimasut pillugit killiffik.....	7
Aalajangiiffigisassat.....	9
Qinnuteqaat – Josef Tarrak teater.....	10
Qinnuteqaat – “Taquaasivinnik atorfissaqartitsineq”, Qulture.....	12
Qinnuteqaat: Work in progress – Avannaamioqatigiit oqaluttuatoqaataat.....	14
Nuummi oqaluffiit eqqaanniittut pillugit saaffiginnissut.....	16
Taasariaqartut allat.....	18
Imaqarniliap akuerineqarnera.....	20

# **Punkt 1: Saqqaa**

**Ileqquusumik ataatsimiinneq**

**Nuummi Najukkami Ataatsimiititaliaq**

**Oqaluuserisassat**

**Marlunngorneq, ulloq 4. juuni 2019 nal. 16.30-18.30**

## **Ilaasortat**

Nivi Katrine Christensen

Arnarissiq Fleischer

Moses Masik Marcussen- Mølgaard

Ujammiugaq Engell

Poul Petersen

Finn Meinel

Aviaq Brandt

Nadia Aviaq Olsen

”Ari” Hansine P Rasmussen

Naleraq Eugenius

## **Pisinnaanatik nalunaartut**

Nivi Katrine Christensen

Poul Petersen

## **Aggersarneqarput**

Esmar Bergstrøm

Jutho Sofie Wilche

## **Punkt 2: Ullormut oqaluuserisassat akuerineqarneri**

### **Beslutning**

Oqaluuserisassat akuerineqarput oqaaseqaatigalugu Taasariaqartut allani immikkoortut tulliuttut ilanngunneqassasut:

- 5A: Asiarpami eqqaamiunut atoqqitassaarniartitsinissamut/aqqusinermi nuannatitsinissamut aningaasanik tapiiffigineqarnissamik qinnuteqaat
- 5B: Ilaqutariinnut timersortitsisarnissamut timersortarfimmi akunnernik inniminniinissaq pillugu saaffiginnissut (Nadia Aviaq Olsen)

## **Punkt 3: Nalunaarutit**

## **Punkt 4: Ilisimatitsissutit**

## Punkt 4A: 2019-imi aningaasaliissutit atugassanngortinneqarsimasut pillugit killiffik

### 2019-imi aningaasaliissutit atugassanngortinneqarsimasut pillugit killiffik

Nuummi Najukkami Ataatsimiititaliaq 2019-imi katillugit 4.225.000 koruuninik atugassinneqarpoq. Tamatuma saniatigut inunnut qulinut qaammammut 2.124 koruuninik akissarsiaqartitsinissamut taakkunannga ilanngaasoqartassaaq, tassa ukiumut 255.000 koruuniussapput.

Taamaalilluni Najukkami Ataatsimiititaliaq 2019-imi 3.970.000 koruuninik aningaasaliissutinik atuisinnaavoq.

2019-imi aningaasaliissutit atugassanngortinneqarsimasut pillugit juunip aallartinnerani killiffiat imaappoq:

Aningaasartuutit	Aningaasat akuerisat koruuninngorlugit	Aningaasat atorineqartut/kr. [1]
Ataatsimiinnermi sutugassaqartitsineq		3410
Nuummi apummik ilusilersuineq.	120.000 koruunit tungaannut aningaasaliissutigineqarput	120.000
Oqaluttuarisaaneq pillugu allagartalersuutit	20.000 koruunit tungaannut aningaasaliissutigineqarput	6.000
Qiajuk Studio – Nuummi innuttaasunut qitittarfimmik pilersitsinissaq pillugu filmimik takutitsineq oqallinnerlu	10.000	10.000
René Design – paasissutissanik naqiterinermut	8.762	8.762
Arsaattarfiit eqqaanni qullilersuineq ungalulersuinerlu (Maluginiagassaq Suliassaq naammassipat aatsaat tunniunneqassapput)	152.990 kr.	0
Qinnuteqarneq – Meqqaanut sumiginnakkanut angalatitsineq, Meeqqat Ikiortigit	12.025	12.025
Nordisk Koncertkor (Nunani	34.000	34.000

Avannarlerni Erinarsoqatigiit)		
Nunani Tamalaani Katersugaasiviit Ulluut	26.000	26.000
Nuuk Nordisk Kulturfesitval 2019 (NAPA)	300.000	300.000
Uanga Timera – Teaterprojekt på skolerne	100.000	100.000
Suliniut Law Shifters, Nuummi Eqquitsulianik Saqqummersitsivik	60.000	60.000
Suliniut Narsarsuaq/Sletten. Blok 1-10 my home is where my heart is (angerlarsimaffiga uummatinniippoq)	200.000	200.000
Saqqummersitaq Pinneraat, Nuummi Eqqumiitsulianik Saqqummersitsivik	65.000	60.000
<b>Katillugit</b>	<b>1.108.777 kr.</b>	<b>935.270</b>

Aningaasat atorsinnaasat	Atuineq:	Atorsinnaasat:
<b>Kr. 3.970.000</b>	<b>Kr. 935.270</b>	<b>Kr. 3.034.730</b>

### Inassuteqaatigineqarpoq

Inassuteqaatigineqarpoq:

- Ilisimatitsissut tusaatitugit tiguneqassasoq

---

[1] Suliniutinut ataasiakkaanut inaarutaasumik naatsorsuusiit sillimaffigineqassaaq. Aningaasat atorneqanngitsoortut Najukkami Ataatsimiititamut utertinneqassapput

### Beslutning

#### Aalajangerneq

Ilisimatitsissut tusaatitugit tiguneqassasoq

## **Punkt 5: Aalajangiiffisassat**

## **Punkt 5A: Qinnuteqaat – Josef Tarrak teater**

### **Qinnuteqaat – Josef Tarrak teater**

Marlungorneq maajip 21-anni 2019 Nuummi Najukkami Ataatsimiititaliaq qinnuteqaammik tigusaqarpoq, isiginnaagassialiornissamat Nuummi inuusuttunut sammitinneqartumut aningaasanik tapiiffigineqarnissamik qinnuteqaat. Isiginnaagassiaq nipilersornermik tungaveqarpoq oqaasertaalu rappertartumit Josef Tarrak Petrusen-imit allataapput, taannalu isiginnaagassiami aamma pingaarnertut inuttaassaaq.

Isiginnaagassiami meeqqat atuarfianni angajullerni atuartut aamma inuusuttut 14-21-llu akornanni ukiullit eqqarsaatigineqarput.

Katillugit 326.920 koruunit qinnutigineqarput.

Suliniutip allaaserinerani ilaatigut allaqqavoq:

*(...) isumaqarpugut inuusuttut iserlutik isiginnaagassiamik takusaqarnissaat pingaaruteqartuusoq. Isiginnaartitsissummi qulequttat inuusortorpassuit aqusaartagaat sammineqassapput, aamma uagut inuiaqatigiittut akisussaaffipput apeqquserneqarpoq kiisalu uagut inuttut nammineq.*

*Tapiissuteqarnissigut isiginnaartitsissutip isiginnaartitsissutigilivinninnerani misiliinermi meeqqat atuarfii arlallit akeqanngitsumik isiginnaarsinnaanerinit aggersaasinnaanitsinnut periarfissinneqassaagut.*

*Uani isiginnaartitsissusiornissap aallartinneqarnissaanut, soorlu isiginnaartitsissummi atortussanut, isiginnaartitsiviup isikkusaanik aqqissuisartumut kiisalu isiginnaartitsissutip ingerlanerani filmimut tapiiffigineqarnissaq qinnutigineqarpoq. Inuusuttut ullumikkut attaveqatigiiffinnik (tusagassiornikkut, isiginnaagassiornikkut atugassiornikkullu) atuisuupput, taamaattumik ilaatinneqarnissaa pingaartut isumaqarfigivarput, ullutsinnut malinnaasuujumalluta (...).*

*Isiginnaagassiaq taanna ullumikkut pisunut attuumassuteqarluinnartuusoq isumaqarpugut, qulequttanik imminut toquttarnermut aamma sumiginnagaanermut sammisaqarmat aammattaaq inuusuttut maligassiuerusussuseqalersissavai, Josef-ip oqaluttuaanik tusarnaarnermikkut.*

Suliniut pillugu allaaserisaq ilanngunneqartoq annertunerusumik paasisaqarfigineqarsinnaavoq.

#### **Allatseqarfimmiit oqaaseqaatit**

Meeqqat atuarfianni angajullerni atuartut, 1 G immaqalu klubbit ilai isiginnaagassiap isiginnaartitsissutigineqannginnerani misiliinermi akeqanngitsumik isiginnaariaqquneqassapput. Taassuma kingorna billetsit 60-70 koruunit missaannik akeqartinneqassaaq.

#### **Inassuteqaat**

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

## **Ilanngussat**

1. Qinnuteqaat
2. Qinnuteqarnermi immersugassaq
3. Missingersuutit

## **Beslutning**

### **Aalajangerneq**

Naleraq Eugenius suliamut attuumassuteqarnini pissutigalugu aalajangeeqataasinnaanani nalunaarpoq, inilu qimallugu.

Nuummi Najukkami Ataatsimiititaliap aalajangerpaa, qinnuteqaat ilaannakortumik akuerineqassasoq suliniummullu 251.920 koruuninik tapiissuteqartoqassasoq, oqaaseqaatigalugu Nuummi innuttaasut inuusuttut mininneqarajuttut, taakkunungaluk kulturikkut suliniutinut Najukkami Ataatsimiititaliap tapersiisarnissani kissaatigigaa.

5-it akuersipput 4-llu itigartitsillutik

## Punkt 5B: Qinnuteqaat – “Taquaasivinnik atorfissaqartitsineq”, Qualture

### Qinnuteqaat – “Taquaasivinnik atorfissaqartitsineq”, Qualture

"Taquaasivinnik atorfissaqartitsineq" avatangiisinik innarliinaveersaartunit Qualture-mit suliniummik ingerlatsisumit sapaammi maajip 26-ianni Nuummi Najukkami Ataatsimiititaliaq qinnuteqaammik tigusaqarpoq. Suliniummi siunertarineqarpoq, Nuummi innuttaasut illoqarfimmi neriniartarfinni, cafeni kantiinanilu poortuutissanik ataasiaannartakkanik atuinermut taarsiullugu taquaasivinnik atoqqiinissaannik suliniuteqarnissaq.

Qinnuteqaatigineqarput katillugit 52.000 koruunit.

Suliniutip allaaserinerani ilaatigut allassimavoq:

(...) siunertaavoq:

- *Nuummi poortuutissanik ataasiaannartakkanik atuinerup annikillisarneqarnissaa, aammalu ullup qeqqasiormi nerisassanut poortuutigineqartartunik nungusaataanningsunik avatangiisinullu navianangitsunik atuinerunissaq siunertaralugu.*
- *Ullup qeqqasiormi nerisassanut poortuutigineqarsimasut igiinnarneqartarnerat pillugu oqallineq taamaatillugu Nuummi innuttaasut nerisassanut poortuutissanik nungusaataanningsunik atuilernissaat siuarsarniarlugu. Isumaqarpugut ullup qeqqasiormi oqallitarnermi, nerisassanut poortuutissat nungusaataanningsut oqallinnermik isumassarsiornermillu pilersitseqataasinnaasut. Isumaqarpugut ullup qeqqasiormi nungusaataanningsumik atuneq pillugu isummanik paarlaasseqatigiiffittut oqalliffittut atorluarneqarsinnaasoq, tassanimit inuit assigiinngitsorpasuit ullup qeqqasiormi nereqatigiittarmata. Taamaattumik suliniummi taquaasiviit pineqarput.*

Suliniut ima naammassiniarneqarpoq:

1. *Aallaqqaammut neriniartarfiit, cafet, mamartunik nerisassaarniarfiit kantiinallu suliniummut peqataatinniarneqassapput.*
2. *Neriniartarfinni taquaasivinnik atuiiffiusinnaasuni nipitittakkanik tunniussisoqassaaq pisiniarfiusuni takussaasumut nipitinneqartussanik. Nipitittakkami tassani takuneqarsinnaassaaq suliffeqarfik imaluunniit pisiniarfik nerisassanut poortuutissanik ataasiaannartakkanik atuinani atoqqitassanik atuinermik illersuisuusooq. Taamaaliornikkut suliffeqarfiit avatangiisit pillugit nittarsaassisooqarnerani pitsaasumik naleqartitaqartutut nittarsaanneqassapput. Nipitittakkat atorlugit aamma innuttaasunut erseqqissaatigineqassaaq, taquaasiviit sumi atorneqarsinnaanersut.*
3. *Nuuk Centerimi innuttaasut taquaasivinnik agguaassiffigissavagut. Kikkut tamarmik taquaasivinnik pisinnaapput, nerisassanut poortuutissanik ataasiaannartakkanik ullup qeqqasiorminni atuisarnerminnilu apeqquiti akissat akippatigit. Taquaasiviit taakkua illoqarfimmi neriniartarfinni, cafeni, mamartunik nerisassaarniarfinni kantiinanilu nerisassanik annisassanik pisiniartarfinni pisanut atorneqarsinnaapput. Taquaasiviit atoqqinneqarsinnaasut atornerisigut akikillisaasoqartarnissaa siunertaarput, tassanimit neriniartarfiit poortuutissanik ataasiaannarlugit atorneqartartunik pisiniarnerminni aningaasartuutissaminnik sipaaruteqassammata.*

4. *Una aqqutigalugu #brugformadkasser innuttaasut "taquaasivinnik atuinermi misigisat" inuit attaveqatigiittarfiisigut agguaattarsinnaavaat (Facebook aamma Instagram). Tamanna taquaasivinni quppersakkami ilanngussami atuarneqarsinnaavoq.*

## **Inassuteqaat**

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

## **Ilanngussat**

1. Qinnuteqaat

## **Beslutning**

### **Aalajangerneq**

Nuummi Najukkami Ataatsimiititaliap qinnuteqaat itigartitsissutigaat ima oqaasertalerlugu:

Nuummi Najukkami Ataatsimiititaliamit isumassarsiaq pitsaasutut isigineqarpoq, suliniummullu tunngavigineqartut siunertaasorlu akuersaarlugu. Najukkami Ataatsimiititaliamit suliniut tapiissuteqarfigineqassappat pilersaarut sukumiisoq suliarilluagarlu piumasarineqarpoq, tulliuuttullu akissutaanik assersuutigalugu imaqarsinnaalluni:

- Neriniartarfinnik/kantiinanit isumaqatigiissutit piviusut imaluunniit suleqatigiinnissamut neriniartarfinnit akuersissutit
- Taquaasiviit kikkunnet agguaanneqassappat? Kikkut sullinniarneparpat?
- Taquaasiviit qanoq isikkoqarpat? Oqariutuutunik/allassimasunik naqinneqassappat, taamaalillutik atuisut suna siunertaanersoq ilisimassagamikku imaluunniit qaammarsaasoqassava?
- Ingerlariaqqinnissamut pilersaarut – taquaasiviit 200t agguaanneqareerpata susoqassava? Suliniut naliliiffigineqassava? Suliniut ineriartortinneqassava? Taquaasivinnik piseqqittoqassava imaluunniit taquaasivik sunaluunniit angerlarsimaffimmiit nassataq atorlugu nerisassanik aallertoqarsinnaava?

Nuummi Najukkami Ataatsimiititaliap suliniummik ingerlatsinerup iluatsilluarnissaanik kissaappaasi nutaamillu qinnuteqaammik tigusinissani ammaffigalugu.

## **Punkt 5C: Qinnuteqaat: Work in progress – Avannaamioqatigiit oqaluttuatoqaataat**

### **Qinnuteqaat: Work in progress – Avannaamioqatigiit oqaluttuatoqaataat**

Marlunngorneq ulloq 28. maj 2019 Nuumi Najukkami Ataatsimiititaliaq Seid Productionimiit Nunatta Isiginnaartitsisarfiani Work in Porgress (\*WIP) august 2019-imi takutinnissaanut aningaasatigut taperneqarnissamik qinnuteqaat tiguat. Isiginnaagassiami siunertarineqarpoq eqqumiitsuliornerup Nuummi innuttaasunut tikikkuminartunngortinneqarnissaa taamaattorli isiginnaartunut iserneq akeqassanngilaq.

Katillugit 150.000 koruunit qinnutigineqarput.

Suliniutip allaaserinerani ilaatigut allassimavoq:

"Asseqanngitsumik pilersitserusuppunga, Nuummi avannaamioqatigiinniluunniit takuneqarsimannngitsumik", oqaatsit taakkua Madelaine Gordon Graadahlimut tunngaviliisuullutillu piumassuseqartitsisuupput, 2018-mi ukiami avannaamioqatigiit oqaluttuatoqaataat misissorniarlugit aalajangersimavoq, taakkualu tunngavigalugit isiginnaagassiamik tupinnartuliamik pilersitsisinnaajumalluni. Isiginnaartitsisarfik, erinarsuutit, qitinneq angakkuarnerlu suliniummi sammisani qitiupput aammalu kalaallit kulturianut Nuummilu innuttaasunut naleqquttumik eqqumiitsuliornerup tikikkuminartuunissaa siunertaralugu.

Nuummi sapaatit akunnerni marlunni ingerlasumi (juli-august 2019) Seid Productions paasisassarsiorniarpoq taavalu isiginnaagassiorartut peqataasut peqatigalugit isiginnaagassiaq WIP\* katitissallugu. Isiginnaartunut tiguartinnarsinnaasumik isiginnaartitsisarfik, erinarsuutit, qitinneq angakkuarnerlu pingaarnerutillugit isiginnaartitsinerup tupinnartup pilersinnissaa siunertarineqarpoq.

Eqqumiitsuliortut suleqatigissallugit paarlaateqatigissallugillu pingaartipparput taamaattorli najukkami eqqumiitsuliortut suliami peqataatikkusuppavut, soorlu isiginnaagassiorartut nipilersortartullu. Aammattaaq najukkami soqutigisallit kalaallillu oqaluttualiaatitoqaannik ilisimasalinnik peqataatitsiniarpugut, paasisutissanik isumassarsiassanillu pissarsiaqarfiusinnaasunik.

#### **Inassuteqaat**

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

#### **Ilanngussat**

1. Qinnuteqarnermi immersugassaq
2. Suliassap allaaserineqarnera

### 3. Missingersuutit

## **Beslutning**

### **Aalajangerneq**

Nuummi Najukkami Ataatsimiititaliap qinnuteqaat itigartitsissutigaa, oqaaseqaatigalugu isiginnaagassiap imarisaanut tunngatillugu paasissutissat amigaatigineqartut kiisalu isiginnaagassiamut work in progress-imut innuttaasut qassit isiginnaariarsinnaanersut paasissutissat amigaatigineqartut. Innuttaasut isiginnaagassiamut isiginnaariartussat amerlassusaat eqqarsaatigalugu aningaasat qinnutigineqartut amerlavallaarsorineqarput.

1 akuersivoq, 3 taasinnngillat, 4-llu akerliupput.

## **Punkt 5D: Nuummi oqaluffiit eqqaanniittut pillugit saaffiginnissut**

### **Nuummi oqaluffiit eqqaanniittut pillugit saaffiginnissut**

Marlunngorneq 21. maaji 2019 Najukkami Ataatsimiititaliami sinniisussap aappaa Jutho Wilche Nuummi oqaluffiit marluk eqqaanniittut pitsanngorsaavigineqarnissaannut siunnersuuteqarluni saaffiginnippoq.

Saaffiginninnermi Rasmus Berthelsenip Aqqutaa, Annaassisitta Oqaluffiata avannaaniittoq innersuussutigineqarpoq. Saaffiginninnermi allassimavoq, aqqusinnermi qaammaqputit amigaatigineqartut aqqusinerlu iluarsaanneqartariaqartoq.

Tassani saqqummiunneqarpoq, Hans Egedep oqaluffiata eqqaani pisuinnaat aqquataat/majuartarfiit aserfallassimasut iluarsaanneqartariaqartullu.

Pisuinnaat aqquataani tiggummiviit aamma taamaapput, arlallit sukut tamaana uppeqqapput pisuinnaallu aqquataatigoortunut isumannarlutik. Nutaanik ullutsinnut naleqquttunik majuartarfiliortoqarnissaa saaffiginninnermi siunnersuutigineqarpoq.

#### **Allatseqarfimmiit oqaaseqaatit**

Sumiiffinni pineqartut pillugit saaffiginnissut pillugu Allatseqarfiup Sanarfinermut Avatangiisinullu Ingerlatsivik oqaloqatigaa.

Sanarfinermut Avatangiisinullu Ingerlatsiviup Hans Egedep Oqaluffiata tungaanut pisuinnaat aqquataanni tiggummiviit kiisalu pisuinnaat aqquataat suliasat tiguai, ukiuunerani aputaajarnermi ilaat aserorneqarsimmammata. Taamaattorli pisuinnaat aqquataat iluarsartuunneqassaaq nutaanillu majuartarfiliortoqarnani, tamanna saaffiginnissummi apeqqutigineqaraluarpoq.

Tassunga atatillugu Sanarfinermut Avatangiisinullu Ingerlatsiviup Annaassisitta Oqaluffiata eqqaani Rasmus Berthelsenip aqquataa misissorpaa. Ingerlatsiviup aqquut ajorpallaanngitsoq nalilerpaa. Tamanna pillugu Sanarfinermut Avatangiisinullu Ingerlatsivik annertuumik tassani iluarsartuussissanngilaq. Isumaatigineqarporli B-138-p eqqaani qaammaqputit pitsanngorsarneqarsinnaasut. Nuummi Najukkami Ataatsimiititaliap Rasmus Berthelsenip Aqquataani qaammaqputit pitsanngorsarneqarnissaat sulissutigeqqinnissaa kissaatigippagu, kommunimi Illoqarfimmik Inerisaaneq saaffigineqassaaq, sumiiffik allanngutsaaliugassatut eriagisassatullu nalunaarsoqqammat. Tamatuma kingorna Nukissiorfiit attavigineqassapput.

Allatseqarfiup inassuteqaatigaa, Najukkami Ataatsimiititaliap Aqqaluup Aneerasaartarfiata eqqaalu iluarsartuunneqarnissaanut suliniummut aallarteqqammersumut atatillugu qaammaqputit pitsanngorsaavigineqarnissaat kissaatigineqartoq erseqqissaatigineqassasoq.

Aqqaluup Aneerasaartarfiata eqqaani iluarsartuussineq kommunimi Illoqarfimmik Inerisaanermi aallartinneqarpoq, tassungalu atatillugu innuttaasut peqataatinneqarnissaat pingartinneqarpoq. Tamanna pillugu ilaatigut Najukkami Ataatsimiititaliaq ulloq 27. maaji 2019 workshoppennissamut qaaqqusaavoq, tassanilu Najukkami Ataatsimiititaliami ilaasortat sisamat peqataapput.

## **Inassuteqaat**

Inassutigineqarpoq:

- Najukkami Ataatsimiititaliamit saaffiginnissut oqaluuserineqassasoq aalajangiiffigalugu Najukkami Ataatsimiititaliamit suliaq ingerlateqqinneqassanersoq.

## **Ilanngussat**

1. Hans Egede Kirkep Oqaluffia pillugu saaffiginnissut

2. Annaassisitta Oqaluffia pillugu saaffiginnissut

## **Beslutning**

## **Aalajangerneq**

Nuummi Najukkami Ataatsimiititaliamit saaffiginnissut ilisimatitsissutitut tiguneqarpoq. Allatseqarfik Sanarfinermut Avatangiisinullu Ingerlatsivimmum saaffiginnissuteqaqquneqarpoq, Hans Egedep Oqaluffiata eqqaani majuartarfimmum taarsiullugu asfaltimmik aqqusineeraliortoqarnissaa, taamalu innuttaasunit pisuutilinnit barnevognilinnillu atornerqarsinnaalernissaata misissuiffiginissaa pillugu.

## **Punkt 6: Taasariaqartut allat**

### **Beslutning**

## **6A: Qinnuteqaat – Tamanut eqqaamiunut atoqqitassaarniartitsinissaq/aqqusinermi nuannatitsinissaq**

Najukkami Ataatsimiititaliaq marlunngorneq 4. juuni 2019 Qinnugtsinni Asiarpami najugaqartumit aningaasanik tapiiffigineqarnissamik qinnuteqaammik tigusoq. Asiarpami innuttaasut eqqaamiunut atoqqitassanik tuniniaatitsineq ingerlakkusuppaat ulloq 22. aamma 23. juuni 2019, tassungalu atatillugu pissittaarfimmi pinnguartitsineq (hoppeborg), kiinnanut qalipaaneq allanillu sammisassaqtitsinerit ingerlakkusuppaat. Nuummi innuttaasut tamarmik tikilluaqqusaapput pisussarlu Nuuk Ugeavis aqqutigalugu sapaatip-akunnerini 24-mi aamma 25-mi nalunaarutigineqassaaq.

Qinnuteqaatigineqarput katillugit 5100 koruunit.

Qinnuteqaammi ilaatigut allassimavoq:

*“Kikkunnut tamanut aasami nuannisartitsinissaq siunertaavoq. (...) Najugaqartut aqqusinerput Nuummi pitsaanerpaanngortinneqarnissaanut kajumissaarneqarput ataatsimuussuseqarluarnikkut kiisalu eqqakkanik aamma qimmit anaanik katersinikkut, naasunik pinnersaanikkut, bænkinik kusanartunik nammineq sanaartornikkut il.il. (...)”*

### **Inassuteqaat**

Inassutigineqarpoq:

- suliniut aningaasatigut tapiiffigineqassanersoq Nuummi Najukkami Ataatsimiititaliamit aalajangiiffigineqassasoq

### **Ilanngussat**

1. Qinnuteqarnermi immersugassaq

### **Aalajangerneq**

Nuummi Najukkami Ataatsimiititaliap qinnuteqaatip akuerineqarnissaa aalajangiuppaa suliniummullu 5100 koruuninik tapiissuteqartoqassasoq, oqaaseqaatigalugu Asiarpami ineqartut aqqusinerminni susassaqtitsinissamut piumassuseqarnerat kiisalu ataatsimoornerulernissamut najukkamilu pissutsinik pitsanngorsaataasumik iliuuseqarusunnerat nuannaarutigalugu.

## **6B: Ilaqutariinnut timersortitsisarnissamut timersortarfimmi akunnernik inniminniinissaq pillugu**

# saaffiginnissut

Siusinnerusukkut ilaqutariinnut timersortitsisarnissamut aallartitsinissamik isumassarsiaq pillugu Nadia Aviaq Olsenip kissaatigaa, piffissaliusaaq 11. juuni nallertinnagu timersortarfimmi akunnernik qinnuteqarnissaaq oqaluuserineqassasoq.

Nuummi Najukkammi Ataatsimiititaliaq qaammammut ataasiarluni akunnermik ataatsimik, assersuutigalugu tallimangorneq sapaalluunniit innuttaasut tamarmik nuannisarfigisinnaasaanni timersuutinillu assigiinngitsunik misileraaffigisinnaasaannik, timersortarfimmut piffissamik qinnuteqassasoq siunnersuutigineqarpoq.

Ilaatigut timersoqatigiiffiit ilaasortanik amigaateqartut suleqatiginiarneqarsinnaapput kiisalu kommunimi Peqqinnermut Susassaqartitsinermullu Immikkoortortaqarfik.

## Aalajangerneq

Nadia Aviaq Olsen aamma Arnarisoq Fleischer qinnuteqaatitut siunnersuusiussasut aalajangerneqarpoq, taannalu Najukkami Ataatsimiititaliami ilaasortanut nassiunneqassaaq piffissaliusaaq 11. juuni 2019 nallertinnagu.

## **Punkt 7: Imaqarniliap akuerineqarnera**